

26. april 2023

UPA 2023/40

Aningaasanik peqquserluutinik malunnarunnaarsaasarnermut inatsimmi § 1-ip allangortinneqarnissaanut inatsit, aningaasalersuisarnermi suliffimmut inatsit aamma inatsit allat arlallit pillugit Kalaallit Nunaannut atuutilernissaasa pillugit peqqussummut siunnersuut (Aningaasaqarnikkut pinerluttarnermut akiuinermik pitsangorsaaneq aamma aningaasanik peqquserluutinik malunnarunnaarsaasarnermut malitassat 4-p aamma 5-ip atuutilersinneqarneri)

(Aningaasaqarnermut Naligiissitaanermullu Naalakkersuisoq)

Siumumiik naatsumik taallugu aningaasanik peqquserluutinik malunnarunnaarsaanermut inatsimmut pitsangorsaaneq ajoriffissaqartinngilarput. Siumumiillu Naalakkersuisunut qujarusuppugut suliaq sukumiisumik suliarimmassuk aammalu tusarniaanermi soqutigisaqtigiiit immersuilluarsimanerannut, nunatsinnullu tulluarsaasimanerannut qujarusupppugut.

Siumup Nunatta Nalaalaaffittut inissinnissaa sulissutigiuarpa, tassanilu pingaaruteqarpoq nunani tamalaani suleqatigiiffit assersuutigiinnarlugu EU aamma qanoq inissisimaffiginissaa sukumiisumik eqqartorneqarnissaa pisariaqaleriartortoq – Aap EF- mut naaggaarnikuuvugut, taamanikkut 1980- ikkunni pissutsit naapertorlugit, massakkulli nunarsuaq aamma allaavoq, nunarpullu ineriaartorsimaqaaq, taamanikkorniik.

Tassami Island aamma Norge toqqaannaq EU-mut ilaarsortaanngikkaluarlutik assigiinngittutigut suleqatigiippit, suleriaaseqarlutillu. Siumumiik isumaqarpugut tamakkua aamma isumassarsiffiulluarsinnaasut, tassami tuluit nunaat EU- miik animmat massakkut OLT- mik nunat taasartagaat 13- iinnangornikuupput, OLT- lu piujuarnissaa ilaatigut apeqqusernarsinnaalluni.

Siunissami nunarsuarmioqataanitsinni EU- mi peqqussutit malittarisassallu pingasuartumik nunatsinnut sunniuteqarsinnaaneri eqqumaffigisariaqarpagut, soorlu massakkut suliap takutikkaa. Aammalu soqutiginarsinnaavoq EU- miik imaluunnit Naalagaaffimmik Kunngip peqqussutaasa inatsisartut naalakkersuisullu akornanni qanoq suleriaaseqarfingerisa eqqartornissaat.

Siumumiik Naalakkersuisup saqqummiinermini oqaaseqaata annerusumik oqaaseqarfinginagu akuerivarput, suliallu aappassaaneerneqarnissaanut toqqaannaq ingerlateqqillugu.

Kuno Fencker, Siumut